


# მათრახი

და საღამური

№ 12

ყოველ-კვირეული, იუმორისტული ჟურნალი



ეშმაკსა უთქვამს: „ამ ქვეყნათ  
ვინ გასკრას სამართალიო:  
ენას რბილს, მუშტსა მაგარსა  
ერთი ჰქონია ძალიო.  
ვითა პირველი, მეორეც  
ფრთხილია მოსაქნევიო,

და თუ ეურჩენ გონებას  
ხითათთა შემამთხვევიო.“  
მოდით, დახედეთ სასწორსა  
საბუთათ ესეც კმარაო,  
მუშტი და ენა ამ ორში  
ვინ როგორ მოიხმარაო.

ხეატუროვმა ივანემ,  
(„ლისტოკზე“ ხედავთ თქვენაო)  
თვინიერ ნებად ტვინისა  
ალამოძრავა ენაო.

მაგრამ იგემა სანაცვლოთ  
უზომო ტანჯვა-წყენაო:  
შინაურ გარეულთაგან  
მუჯღლუგუნი და კბენაო.  
გიორგი ამირეჯიბმა  
მუშტი აღმართა თვისიო  
და დატრიალდა სისაქმო  
რეგვენთა საკადრისიო.

მანც ბევრი წყენა იგემა,  
სხვაც ერთობ გააშწარაო,  
სხვა „ბრძოლის ველზე“ დასტოვა  
თითონ კი გაიპარაო.

ამგვარათ: მუშტი თავ-ძვალა  
რბილს ენას უდრის სხვა რასო,  
თუ გამოვრიცხავთ პატრონებს,  
როგორც უბრალო ტარასო.“

— კი.

### ეშმაკის ინტერვიუ:

#### „ივერიის“ რედაქციაში

კოწია თუმანიშვილი ჩვეულებრივი კულის ლაქუცით შემომეგება. ვისაც ერთხელ უნახავს მისი ცბიერი თვალების თამაში, მოუსმენია მისი თაფლივით ტბილი და მუდამ ორაზროვანი ლაპარაკი, ის რასაკვირველია არ იუცხოვებდა მის ასეთ შეხვედრას, მაგრამ ჩემზე ერთობ სასიამოვნო შთაბეჭდილება მოახდინა. რა შედარებაა ამ იფნის სახრესავით მოქნილ რედაქტორსა და „ზაკავკაზიელ“ მოუხეშავ, თუმცა პირდაპირ და გაბედულ გიორგის შორის?

— მობძანდით, ბატონო ჩემო, მობძანდით!

— გმადლობთ თავაზიანობისათვის, ვუპასუხებ მე და ფრთხილათ დავეშვი რედაქტორის მიერ მოწოდებულ რბილ სავარძელზე. გაგონილი მქონდა თქმულება:

„არ ენდო თაფლის ენასა  
ღვარძლიან გულით ნადენსა,  
იგი ყურს ელამუნება,  
ცხვირში ძმარ-ნადველს გადენსა.“

— გასაოცარია ღმერთმანი, როცა სამშობლო განსაცდელშია, ჩვენ ქართული გაზეთის ხელმძღვანელი აგრე დაქსაქსულად ვმოქმედობთ.

— როგორ? განა თქვენ „დროების“ რედაქციასთან კავშირი არა გაქვთ? გავიკვირე მე.

— მე, ხომ მოგეხსენებათ ზომიერების მოყვარული ვარ. ჩემი სათაყვანებელი საგანი ეს ქართველი ხალხი, ჩემი საბრალო სამშობლოა.

— მერმე რა საფრთხე მოელის სამშობლოს ასეთი და თუ მოელის რატომ სხვებსაც არ დაიხმარებთ?

— როგორ? არ იცით რა საფრთხე მოელის! ღმერთო ჩემო! ღმერთო ჩემო!

აქ „ივერიის“ რედაქტორმა თვალები ზეცას მიაპყრო, ხელები გულზე დაიკრიფა და ორი ობოლი ცრემლი ჩამოიგორა მოწითანო უღვაშის წვერებზე! უნებლიეთ გამახსენდა ერთი ტანჯული ცხოველი პ—ე ხილისთაველის მოთხრობიდან!

— მაშ თქვენ არ იცით, რომ ჩემს საყვარელ საქართველოს განსაცდელი მოელის რუსის ხალხისაგან? განაგრძო მან.

— ვიცი, როგორ არ ვიცი, მაგრამ რუსის ხალხისაგან იმდენათ არა, რამდენათაც რუსის მთავრობისაგან.

— ნუ თუ თქვენც მაგ აზრისა ხართ, ბ-ნო ჩემო? ნუ თუ არ იცით, რომ მთავრობა რუს სოციალისტებს არაფერს არ უშლის და ქართველებს კი სტანჯავს, აწამებს. ამით მე ის მინდა ვსთქვა, რომ მთავრობა ერთნაირათ არ უტყერის რუსებსა და უცხო ტომებს, თორემ სოციალისტები, რა თქმა უნდა, ყველაფრის ღირსნი არიან. განა თქვენ არ იცოდით ყოველივე ეს?

— წარმოიდგინეთ პირველათ მესმის. პირ-იქით გაგონილი მქონდა რუსეთის ციხეებიც სავესეა ასეთი ხალხითო და აბა რა ვიცოდით თუ იქაც ქართველები ისხდნენ.

— ვაიმე, ვაიმე!... განა თქვენ ასეთი გულუბრყვილო ხართ? ვაიმე, ვაიმე!.. ჩემს საყვარელ სამშობლოს განა მარტო რუსები იბრძვიებენ! აი თუნდა სომხებიც, თათრებიც... ყველა მეზობელი ხალხი, ყველა ჩვენზე, ჩვენს ზურგზე თამაშობს.

— არ მესმის სწორეთ!..

— როგორ თუ არ გესმისთ? ხი, ხი, ხიიი!.. ვითომ მართლაც არ გესმისთ, ხი, ხი, ხიიი!!

ტანში ჟრუანტელმა დამიარა. ჩემს ღღეში არ მინახავს ასეთი უგემური სიცილი, ისე ისმოდა, თითქო ვიღაც იატაკს ქვეშეთაგან ხითხითებს და ჩემს გულუბრყვილობას დასცინისო.

— გარწმუნებთ არ მესმის. შეიძლება მდიდრები მართლაც გლეჯდნენ ერთმანეთს, მაგრამ ღარიბი ხალხი თანხმობით ცხოვრობს, როგორც რუსებთან, ისე სომხებთანაც.

— თანხმობით ცხოვრობს!! ხი, ხი, ხიიი!! კარგი თანხმობაა თქვენმა მშემი განა ვერ დაინახეთ ჯუღელის დასაფლავებაზე? ყველას ინტერესებს ვიცავთო გაიძახით, და აქ კი მარტო ქართველი ხალხი გლოვობს და პატივს სცემს მის ხსოვნას.

— გამადლობთ, რომ მომაგონეთ; მე სწორეთ ის მინდოდა გამეგო: ვის კალამს ეკუთვნის ეგ მშვენიერი სტატია?

— მოგეწონათ?

— რა ბრძანებაა, ვის არ მოეწონებოდა ისეთი სიმშვენიერე.

— თუ ეგრა მე დავსწერე. საზოგადოთ მთელ ნომერს მე ვაძსებ.

— დაწერილი კარგია, მაგრამ...

— მაგრამ რა?

— ისა რომ ამას პატიოსანი კაცი არ იკადრებდა, ჯერ იმიტომ, რომ მტენარი სიცრუე იყო და მეორეთ მიცვალეულის შესახებ...

— გეხუმრეთ ყმაწვილო! მართლა იმდენათ სულელი არ გეგონოთ, რომ სად რა სჯობია არ ვიცოდე. იმ წერილის დაწერაში მე არავითარი წილი არ მიძევს. განა მე არ ვიცი, რომ მიცვალე ბულზე... და განა მე კი სულ მუდამ ვიცოცხლებ?!

— მაშ თქვენ არ დაგიწერიათ?

— რა ბრძანებაა! ხი, ხი, ხიიი!! თქვენ მართლა დაიჯერეთ! განა პართენა ტყვილათ მყავს? ყველაფერს მე როგორ ვაფვცდებ. არა ძმობილო, მე კარგათ მესმის სად და როდის რა აჯობებს!..

— სიამოვნებით გერწმუნებით, რადგან ამის მაგალითი არა ერთი და ორი გვინახავს თქვენი ცხოვრებიდან. თუნდა ის რაა ღირს, რომ ქართულ „ივერიისში“ რუსეთს „ტყავს აძრობთ“ და რუსულ „ტრფლისში“ კი გოროდოვოებს ჩექმებს ულოკავთ. მეც მესმის რომ თქვენ დიდი პრაქტიკული ნიჭის მქონე უნდა იყოთ.

— ცხოვრება ასეთია ბატონო ჩემო.

„თუ კიცმა ხრიკი არა იცის, გასტანჯავს წუთისოფელი“.

— ერთი ეს მიბრძანეთ „ზაკაკაზიეს“ რედაქციას რაზე შესწყურით თქვენა და პართენი?

— როგორ თუ რაზე? ერთხელ, წარმოიდგინეთ, უღვაში კინალამ ამაგლიჯა და დამემუქრა: თუ კიდევ ასე ილაქუცებ ვარესს მოვლოდგო.

— გაზეთში რაღას აცხადებდით?

— დაე იცოდეს ქვეყანამ, რომ ჩვენ აღარ ვეზმარებით ბანკისბადელ მკლავადებს.

— სპილოსისა და ბუხის არ იყოს, ვის რაში ეკითხება თქვენი იქ ყოფნა თუ არ ყოფნა?

— რასა ბრძანებთ... ხი, ხი, ხიიი!!...

ერთხელ კიდევ გესლიანათ ჩაიცინა ვილაკამ თუმანიშვილის არსებაში და იქაურობა მოსწამლა, მე ქუდს ხელი დავავლე და არ მოვუცადე საუბრის გათავებას კარებისკენ გამოვემართე.

— მშვიდობით ბრძანდებოდეთ, ბატონო მშვიდობით; სასიამოვნოა როდესაც ასეთი განსაცდელის დროს ერმანეთის აზრებს გავიგებთ და საერთო ძალით....

მე უკვე ნიკოლოზ ცხვედაძისკენ მივეჩქარებოდი.

### ნიკოლოზ ცხვედაძესთან.

თამამათ შეიძლება ითქვას, რომ გასული კვირე, ეს „სტიპენდია-პოსობიების“ კვირე იყო. მეც ორას ორმოცდა ჩვიდმეტი ლარიბის დავალებით შევიარე ბატონ ცხვედაძესთან. როგორც მიღებულია პროტექტორებისაგან, მეც ყველას დავპირდი: თქვენ საქმეს კარგათ და სასურველათ დავაბოლავებ მეთქი. ნიკო ცხვედაძე სარაჯიშვილის თანხას თავმჯდომარეობს და ეს მეორე პირია მთელს საქართველოში, რომელსაც ჩინებულათ ესმის თავისი მდებარეობის მნიშვნელობა.

— საღამო მშვიდობისა, ბატონო!

— გამადლობთ, მობრძანდით! ზრდილობიანათ მიმიპატიეა მათმა ბრწყინვალეობამ. აღმათ სათხოვარი გაქვთ რამე?

— დიახ, ბატონო; გავიგე სტიპენდიებს უნი. შნავთ ლარიბ-ახალგაზრდებს.

— თქვენ ქართველი ხართ?

— როგორც მხედავთ...

— მე ვერც გხედავთ და ვერც გატყობთ. თქვენ ჯერ ერთი ქართულათ არ გაცვიათ და წმინდა ქართულსაც ვერ ლაპარაკობთ.

— განა თქვენ ასეთ ყურადღებას აქცევთ პროვინციულურ კილოს?

— არა, ჩვენ სახეში ვიღებთ საზოგადოთ ქართველს. გურული, იმერელი, მეგრელი კახელ-ქართლელი ჩვენთვის არ არსებობს.

— მაშ რა არსებობს თქვენთვის?

— ჩვენთვის არსებობს ქართველი.

— მაშ რაღა დაბრკოლებაა, ჩვენც ხომ ქართველები ვახლავართ.

— ჩვენთვის არც პარტიები არსებობენ. ჩვენ უპარტიონი ვართ; ჩვენთვის სულ ერთია დემოკრატი, ფედერალისტი, ბურჟუაზია და პროლეტარიატი.

— მაშ ვის აძლევთ თქვენ სტიპენდიებს?

— ჩვენ სულაც არ ვარჩევთ იმერელ-ამერელს,

არც თუ ამა და იმ პარტიას. ჩვენ მხოლოდ ქართველს ვაძლევთ დახმარებას.

— ჩვენც ხომ ქართველები ვართ...

— ჩვენ არ მოგვწონს ახალგაზრდა ყმაწვილები, რომლებიც ქართულ ენას უკადრისობენ და რუსულად ლაპარაკობენ.

— ჩვენ ძლიერ გვიყვარს ქართული. პირიქით, სხვა ენაზე ლაპარაკიც არ გვებებება.

— კარგი და პატიოსანი, მაგრამ მამულის უკადრისობა ვერაფერი სანაქებო ხელობაა.

— განა ჩვენ ჩვენს მამულს ვუკადრისობთ? ეს ხომ ცილის წამებაა!

— არა ყმაწვილო, მე განა თქვენზე ვთქვი? სრულიადაც არა, ჩვენთვის სულ ერთია ქართლელი თუ იმერელი, ჩვენთვის მხოლოდ ერთი, საერთო ქართველი არსებობს.

— მესმის თქვენი ბრწყინვითება, მაგრამ განა ჩვენ ქართველები არა ვართ? გურია ხომ საქართველოს ნაწილია?

— ნაწილი ნაწილია, მაგრამ ჩვენ საერთოდ ქართველი გვყავს სახეში და გურულ-იმერელ-კახელს ერთმანეთისაგან არ ვარჩევთ.

ყოველივე იმედი დამეკარგა ჩვენ ერთმანეთისთვის რაიმე შეგვესმინა და ვცადე სალაპარაკო საგნის წარსულში გადატანა.

— ამ წლის სტიპენდიები ვის მიეცით ბატონო ნიკოლოზ!

— წელსა?

— დიას.

— წელს... აღარც კი მახსოვს. ჩვენ ყველა ღირსეულს ვარჩევთ და მის უთამამელობას არავითარ ყურადღებას არ ვაქცევთ. ჩვენთვის სულ ერთია მთხოვნელი ქართლელი იქნება, იმერელი თუ გურულ-მეგრელი, ოღონდ ის საერთოდ ქართველი იყოს.

— ხომ არავისი გვარი მოგაგონდებათ, ვინაც წელს სტიპენდია მიიღო?

— ჩვენ არც გვარს და გვარი შეილობას ვაქცევთ ყურადღებას. ჩვენთვის სულ ერთია იმერული გვარი ექნება თუ ქართული.

— მე მხოლოდ ვინაობის გაგება მინდოდა.

— ვინაობა რა საქიროა! ვინაობა ქართველობა!

— ალბათ გაზეთში გამოაცხადებთ ვინ მიიღო?

— რასაკვირველია.

— ისე არ მოგივიდეთ, შარშან წინ რომ ერთ მეგრულ ექიმს ექიმბაშობის დროსაც უგზავნიდით სტიპენდიას კიევში და კიევიდან აბაშაში მისდიოდა.

— აკი მოგახსენეთ ჩვენ მეგრელსა და გურულობას სრულიადაც არ ვაქცევთ ყურადღებას. ჩვენთვის საქირო მხოლოდ მარტო ქართველია.

— მშვიდობით ბრძანდებოდეთ.

— მშვიდობით, მშვიდობით; გაზეთში უთუოდ გამოვაცხადებთ და ყველაფერს გაიგებთ.

— გმადლობთ უმორჩილესად.

მე თავბრუ დახვეული დავეშვი კიბეზე და თუნდაც ორასივე ჩემი კლიენტისათვის გამდიდრება აღეთქვა, უკან აღარ ავბრუნდებოდი.

იმის წაკითხვა კი მიენტერესებოდა თუ ვინ განოღდა ეს „საერთოდ ქართველი“ ღირსი სარაჯი-შვილის სტიპენდიისა.

ეშმაკი.



## პეტრია გულსკავაქი.

IV.

დღე-დღეს მისდევს, კვირა-კვირას, და ხალხს ძალი ემატება. ამ სურათის შემხედვარეს პეტრიასა გული სწყდება...

— „ღმერთო, ამას რას შემასწარ! სოფრომაის გოგიტელა, „მეთაურად“ ჰყოლია ხალხს, მას მორჩილობს, თურმე, ყველა.

ამას იქით სადღა წავა სირცხვილი და დამცირება? გუშინ, თურმე, „ცხემლნარაში“ ჩემზე ბკობდა მთელი კრება.

გოგიტელა გასძახოდა: „ბოლიკოტი“ დავარტყათო და პეტრიეს კარმიდამო ქვა-ქვაზედა დავაფქვათო!..

სოფრომაის ხელთნაწერი ხელში რომ მაქვს მე ვექსილი, სჩანს, ამიტომ შურსა ძიობს ჩემზე მისი ვაჟბატონი.

სჯობს, „ნაჩანიქს“ მივაშურო,  
შევსებოვო, რომ დამიფაროს...  
უღმერთობა არ იქნება,  
ჩემი სისხლი დაიღვაროს?!

ნუ თუ სრულად დამეკარგვის  
ამღენი ხნის ნამსახური,  
ისე, რომ გოგიტელაზე  
ვერ ვიძიო მაინც შური?!

სთქვა და შეჯდა თავის ცხენზე,  
ლამით, ჩუმათ გაიბარა...  
და მეორე დღეს უფროსმაც  
გოგიტელა დაიბარა...

V.

ვინ იყო, როს ასრულებდა  
ჩვენში იმ დროს უფროსთ ნებას?  
მაშინ ძალა-სამართალი  
ხელში ეპყრა ხალხის კრებას!

გოგიტელაც არ წასულა ..  
საქმე კარგათ რომ ინახა,  
პეტრეს ჩუმი ნამოქმედი  
ხალხმა ნათლად დაინახა.

სთქვეს: „ყოჩანს ვერ გაათეორებ,  
რაგინდ ძალზე ქვიშით ხეხო,  
სჯობს, სამარცხო მისი ფეხი  
ეშმაკს დროზე რომ მოსტეხო.“

პეტრიასაც განვუცხადლოთ  
ჩენი მასზე უნდობლობა  
და შევსწყვიტოთ თანაც მასთან  
ყოველგვარი მეზობლობა!...“

იქნებ გასკრას ამ ზომამა  
გაიფიქრა გულში ხალხმა,  
და პეტრეზე შეადგინა  
განაჩენი თვისი ერთხმა.

VI.

ხალხის სიტყვა, სიტყვა, მტკიცე,  
ვის არ მოსდრეკს შიშით წელშია!  
„ხმა ღეთისა და ხმა-ერისა“,  
თქმულებათაც არის ჩვენში.

პეტრეც წელში მოიხარა,  
ჩამოუშო დაბლა ყური.  
ხედავს ის, რომ დაიკარგა  
„ესდენ მისი ნამსახური“.

„ზევიდგან“ ხსნა აღარ მოდის,  
არ ვინ აქცევს ყურადღებას,  
დაიჩოქა და შესთხოვა  
ისევ მეზობლების კერას:

„ამხსენით ეს „ბოლიკოტი“:  
კოლშვილს ნუ ამომიწყვეტთო,  
და სხვას ყველას ავასრულებ,  
რასაც კი ვადამიწყვეტო!“...

ხალხმაც ახსნა ის სასჯელი,  
გზის კეთება განუწყესა.  
და ამ დღიდან ვხედავთ პეტრეს,  
გზას რომ ჰკენებავს ყოველ დღესა...

VII.

ტყვიის ფერი ღრუბელთ ძაძა  
გადმოაწვა მშობელ მხარეს,  
ცეცხლის ალი შემოენთო  
სისხლით მორწყულ არემარეს.

სიმართლე და ძმობის დროშა  
ურცხვად ფეხქვეშ გაითელა,  
და პარტახზე, ბრძოლისაზე  
ლხინს მიეცა ტურა-მელა...

ზამთარს ფერი გაუხუნდა  
და გაუცვდა ლილიახანა,  
თუმც შინძრა გაზაფხული,  
ზანტათ თავი შეიფხანა,

მაგრამ ისევ მარტს დაუთმო  
მარტმაც აპყვა თავის „წესებს“  
და რაც ოდნავ გაინძრევა,  
სასიკვდილოთ დააკენესებს...

ათას ცხრაას ექვსი წელი  
ჩვენში ასე შემოვიდა,  
გაზაფხულის დასაწყისი  
იმედს არვის აღუძვრიდა.

ნაცრის ფერი გადაედო  
გარეშემო მინდორ-ქალებს,  
ქარნი რისხვით გაჰკივიან,  
ცა ცრემლებით ივსებს თვალებს;


ხან ციდან მზეც გადმოიქვრეტს  
გადმოხედავს ნაცრემლ მხარეს,  
მაგრამ მყისვე თვალს არიდებს  
სევდის აღმძვრელ ამ სიპარეს!..

— „ბარემ მოდი, გაზაფხულო!  
ბარემ მოდი, მერცხალო კრებავ!  
საქორწილოთ ფრთა გაშალეთ,  
სიციცხლეც და სიტკობებავ!!“

ქვეყნის პირსა გადაჰბანეთ,  
და ღრუბელთა ბნელი ძაძა  
ზურგის ქარსა გაატანეთ“...

ამას ნატრობს არე-მარე,  
გულსაკლავად ანაკენისი,  
მაგრამ იმედს ჯერ არ ხედვენ,  
რომ ღღე დაღგეს უკეთესი...  
(დასასრული იქნება)

ნ. ზომლეთელი.



პატარა კაცუნა.

(რუსულით. ჩეხოვის კილოზე.)

სახაზინო პალატის ჩინოვნიკი ივანე იაბედა, რომელმაც ეხლა მიიღო პირველი ჩინი და სამსახურში გაამწესეს მოვიდა ქ. ენსკში. ღამის გასათევათ ჩამოხტა საუკეთესო სასტუმრო „სახაზინოში“, რომ ღამე მოსვენებულათ გაეტარებია და დალიას, დაწყნარებული ნერვებით წარსდგომოდა მისს მთავრობას. მაგრამ მისდა საუბედუროთ მეზობელ ოთახში ისეთი მდგური აღმოჩნდა, რომ ელსაც მთელი ღამე ახველებდა, შფოთავდა. ამან იაბედას ისე გაუკრთო ძილი, რომ ღამე საშინელ ტანჯვაში გაატარა. ხველა მართლაც ისეთი საშინელი და დაუსრულებელი იყო, რომ ივანე იაბედამ მოუსვენრობით და უსარგებლოთ დახარჯული ფულის სიბრალოდით დილას სიმწრის ნაღველა გადმონათხია და გაყვითლებული, თვალეზ დასივებული, გამოჩნდა თუ არა სასტუმროს მსახური, ვეფხვივით ეცა.

— შენ, რა მიქენი ეს?! რა?! — ყვიროდა იაბედა... — ვის გაუბედე შე ძაღლო... შე ძაღლის მოღგმავ!.. მე შენ მოგთხოვე ისეთი ოთახი, რომ დაწყნარებული მომესვენა და ეს რა მიქენი?! ჩემს მეზობლათ მოგითავსებია ვიღაც ოხერი, ქლეკიანი, ვირი, მუყიკი, რომელიც მთელი ღამე მომა-

კვდავივით ხრიალებდა. უზრდელი, ის ტუტუცი.. წყეულო!.. მე სასტუმროში ჩამოვხტი და არა საავათმყოფოში!.. მე ვჩივლებ!.. მე სამშობლოს ვემსახურები!.. მე წავალ გუბერნატორთან!.. თქვენ არა გაქვთ უფლება, რომ რიგიან სასტუმროში უბრალო ხალხი შეუშვათ!.. მე ამას ასე არ დავტოვებ!.. მე... მე...  
მოსამსახურე დიდხანს განცვიფრებით უყურებდა და ბოლოს ყრუთ უპასუხა:

— თქვენო კეთილშობილებავ, თქვენც ხომ ინებებთ მღუგურების შეწუხებას თქვენის ყვირილით!.. რაც შეეხება თქვენს მეზობელს, ის თქვენზე წინ მოვიდა, მოგვთხოვა საუკეთესო ნომერი და ჩვენც მივეცი...  
— საუკეთესო ნომერი!.. მსჯელობს პირუტყვი... ПОДЛЕЦЬ... საუკეთესო კი არა — აქედან უნდა გაგეგდოთ... უნდა გაგეგდოთ ქუჩაში... გესმის, ქუჩაში!.. არ უნდა მიგეცათ ბინა ამ პირუტყვისათვის იმ სასტუმროში, სადაც კეთილშობლნი განისვენებენ ხოლმე. მე თავის ტეხით და სიჩქარით მოვსულვარ აქ, რომ ღამე მოსვენებით გამეტარებია და დღეს ნერვებ დაწყნარებული ჩემს უფროსებს წარსდგომოდი... მე, ადვილი შესაძლებელია, მათი მაღალ აღმატებულება, ახალი გამგე სახაზინო პალატისა მიცდის, მელის... მე ძილი მინდა, მოსვენება და... აქაო და ლაქიამ ინება ჩემს გვერდით მოეთავსებია ვიღაცა ვირი, კრეტინი, უზრდელი, ამიტომ ინებე მთელი ღამე ტანჯვა, უძილობა...

— თქვენო კეთილშობილებავ, ლაქია აქ არაფერ შუაშია... ხაზინმა მიბძანა და...  
— მამაძაღლი და ტუტუცია შენი ხაზინი! Подлец мерзавец... მას უნდა აუკაძლონ სასტუმროს გამგეობა თუ ისეთ ძაღლებს აძლევს ბინას, როგორც ეს ჩემი მეზობელია... ოხერი, უზრდელი, პლუტი...  
— ხაზინიც არაფერ შუაშია თქვენოკეთილშობილებავ... დამნაშავე თვით გენერალია...  
— რა... რა... მე... ლ... ლი... გე... ნე... რა... ლი?..  
ლაქიამ მეზობელ ოთახზე მიუთითა.

— მაშ ეს მათი აღმატებულებაა? — იაბედას ენა ჩაუვარდა. გაახსენდა მისი ნათქვამი, ცივმა ოფლმა დაასხა, ფეხები აუკანადა და სავარძელში ჩაჯდა.  
— დიას, თქვენო კეთილშობილებავ! მობძანდა თუ არა მათი აღმატებულება, მოითხოვა საუკეთესო ნომერი და ბძანა, რომ სიწყნარე იყოს, არავინ შემაწუხოსო...

ლაქიამ მეზობელ ოთახზე მიუთითა.  
— მაშ ეს მათი აღმატებულებაა? — იაბედას ენა ჩაუვარდა. გაახსენდა მისი ნათქვამი, ცივმა ოფლმა დაასხა, ფეხები აუკანადა და სავარძელში ჩაჯდა.  
— დიას, თქვენო კეთილშობილებავ! მობძანდა თუ არა მათი აღმატებულება, მოითხოვა საუკეთესო ნომერი და ბძანა, რომ სიწყნარე იყოს, არავინ შემაწუხოსო...

— მაშ ეს მათი აღმატებულებაა?..— ამოიკენესა საბრალო ხმით იაბეღამ, სახე დაუპატარავდა, თვალები დაუწვრილდა და თითონაც მუქის ოდენა გადაიქცა, — ხე, ხე, ხე, ხე... მაშ, მათი აღმატებულებაა?.. სწორეთ მეც ასე ვფიქრობდი, ჩემო ძმაო.. ვწევარ და ვამბობ ჩემთვის: არ შეიძლება, რომ ეს გენერალი არ იყოს... მოდი გამოვცდი ლაქიას და გავიგებ მათი აღმატებულების ვინაობას მეთქი. შენ ჩემო ძმაო, მართალი გეგონა რასაც ვამბობდი?.. ხე, ხე, ხე, ხე... როგორ იფიქრე ეს ძმობილო... იქნება კიდევაც მიმიხვდი რომ ვხუმრობდი... ღმერთმან აღდგარქდლოს მათი აღმატებულება უფალი ღენერალი!.. მე მის მოწყალე ხველის ქვეშ მშვენივრათ ვგრძნობდი თავს... ვფიქრობდი, ჩემი მოწყალე ღვთის კალთას ქვეშ ვიმყოფებითქო დამოსვენებით მეძინა... და შენ ფიქრობდი, რომ... მაგრამ აი რა გითხრა ჩემო კეთილო: მე მაქვს ხველის კაპლი... დიახ... და ეს მიართვი მათ აღმატებულებას და მოახსენე, რომ ივანე იაბეღა მუხლმოდრეკილი სალამს გკადრებსთქო და ხველის წამალი მოგართვათქო... ათი წვეთი ნახევარ ჭიქა წყალში... გესმის!.. არ დაგავიწყდეს ჩინოვნიკი ივანე იაბეღა და ათი წვეთი... ოხ, ღმერთო ჩემო!.. მაშ, ეს მათი აღმატებულებაა?.. ხე, ხე, ხე, ხე... უცბათ იაბეღას რალაცა გაახსენდა და წარბები შეიკრა.

— მე მახსოვს, რომ შენ რალაც უკადრისათ მოიხსენიე მათი აღმატებულება... როგორ გაბედე ჩემთან!..

განცვიფრებული ლაქია დიდხანს ატრიალებდა კაპლის შუშას ხელში, ბოლოს უპასუხა:

— თქვენო კეთილშობილებავ! თუ კარგათ დაუკვირდებით, ჩემის აზრით ეს კაცი ჯერ გენერალი არ უნდა იყოს, რადგან თუ ტანისამოსს მივაქცევთ ყურადღებას, ჩვეულებრივთა აცვია... ჩვენი ხაზეინი, უკაცრავათ პასუხია, ვისაც მოწითლო პირისახესა და დიდ მუცელს დაუნახავს, ყველას გენერალს ეძახის და ამიტომ... ასე, რომ ნამდვილი არ ვიცი...

— ჰმ!.. ჰმ!.. მაშ, შენ ამბობ, რომ ნამდვილი არ იცი!..— თავისუფლათ ამოისუნთქა იაბეღამ, — ჰმ!.. თუ გენერალი არ არის, მაშ... მოიტა აქ კაპლი, მოიტა შე ძაღლო!.. ჩემთვის სულ ერთია, ვინც უნდა იყოს... მე არაფისი არ მეშინია... გაიგე? არაფისი... მაშ შენს ხაზეინს გადაეცი, რომ მე ჩინოვნიკი ვარ და არაფისი არ მივცემ ნებას, რომ შემაწუხოს... თუ ნება მივეცი, ყოველმა ტუტუცმა უნდა დამიფრთხოს ძილი უზრდელის ხველით...

— მოგახსენებ ბატონო ჩემო, რომ სახეზე არაფისი აწერია თავისი წოდება და ისე, როგორც მდგურები, აგრეთვე გარეშენიც ამბობენ, ეს ვიცე-გუბარნატორი უნდა იყოს, რომელსაც აქ მოელოდენ, მაგრამ მე...

— სულ!..

იაბეღამ საჩქაროთ პირი დაუცო ლაქიას.

— ჩქარა, ჩქარა გამიწმინდე ვიც-მუნდირი... ჩქარა ძმობილო... მე თვითონ მივართმევ ხველის კაპლს... ოხ, ღმერთო ჩემო!.. რა მოუსვენრათ გაატარა ღამე მისმა აღმატებულებამ... ჩქარა... ოხ, ღმერთო ჩემო!..

— მაგრამ მე ვფიქრობ თქვენო კეთილშობილებავ, რომ ეს კაცი პოდრიაჩიკი ფირსოვი უნდა იყოს... პირადათ არ ვიცნობ, მაგრამ ღიპი, გამობერილი მუცელი და ჩასივებულ-გაწითლებული სახე პოდრიაჩიკს უგავს და ამასთანავე ფირსოვს ელოდენ გუშინ აქ და ამიტომ...

— ჰმ... თუ პოდრიაჩიკია—არ მესმის... დამეკარგე აქედან შე პირუტყო!.. ბინას აძლევენ ქაჯებს, ეშმაკებს და კიდევ იცინიან... კმარა!.. მე ნებას არ გაძლევთ... აწი არ მივხედავ წოდებას... გააგდეთ აქედან ვინც უნდა იყოს... გააგდეთ მამაძალი...

ლაქიას დაუძახეს და საჩქაროთ გავიდა. ხუთი წუთის შემდეგ ისევ დაბრუნდა და მოახსენა იაბეღეს:

— თქვენო კეთილშობილებავ! ეხლა კი შემიძლია დანამდვილებით მოგახსენოთ, რომ თქვენი მეზობელი არც გენერალია, არც ვიცე-გუბერნატორი და არც პოდრიაჩიკი ფირსოვი; ის გახლავთ სახაზინო პალატის ახალი გამგე.

ივანე იაბეღამ შეხედა ლაქიას, პირი ღია დარჩა, სახე გაუფითრდა და იქვე იატაკზე წაიქცა. მას დავლა დაეცა.

ლეონალო.

სიწყევათა ახსნა.

(ბაკურაიანის მოაგარაკეთათვის)

**მატარებელი:** მოაგარაკეების საბედისწერო მანქანა. — ბეწვის ხიდი.

**გაზეთი:** მოაგარაკეთა სანატრელი ხილი, რომელსაც ბედნიერი ეღირსება.

**საბანძურე:** ბაკურიანის სიმდიდრე.

**ფუნა:** მოაგარაკეთა ფეხსაცმლის საწმენდი ნივთიერება, შავფეროვან—ავსურნელოვანი.


**წერაღი:** სამ კავიკიანი ბეგარა.

**სამაითხველი:** მოაგარაკეთა ოცნება, ილიუზია.

**თაგა:** მოაგარაკეთა ბულგარი.

## „მფრინავები!“

ქვეყანა ცაში აფრინდა,  
ჩიტების ფრთები აისხეს,  
მთით მთაზე, ზღვიდან ხმელეთზე  
კობტა ნავარდი დაიწყეს.  
ამერიკელი ფრანგს ებრძვის,  
ფრანგი ნემეცთან ჯიბრობსა,  
ინგლისი ცალკე ოსტატობს,  
რუსეთი თავ-პირს იმტვრევსა.



არც ბერძენ იტალიელნი,  
ზოგავენ ძალს და ღონესა,  
და აი ქართლოსელებმაც  
რა ღერხი მოიგონესა.  
(ჯერ არ სმენია ქვეყანას  
ასეთი „ჰაერ—ხომალდი“  
იაფი, სარგებლიანი,  
იკვიდრი, გამძლე და ფეხმარდი!)  
იშოვეს რუმბი უზომო,  
ნაქუცი ტყავი ხარისა,  
სიგრძე იარ-საყენოვანი  
ვანი ადლ-ნახევარისა.  
აღავსეს ღვინით, წითელით,  
ბოდებზე შესდგეს კარგათა,  
ქვეშ ფიცრის ხიდი მოაბეს,  
ზედ თითონ დასხდნენ ბარგათა.  
დაიწყეს მამიჯვარისა  
ლაფაში პური ზლომათა,  
მწვანილი, კიტრი, მოთაღი

თავ-საყარ გასადლომათა.  
წელში გაირქვეს ყანწები  
მოქედლილ ჯიხვის რქებისა,  
და შედგა რაზმი „მფრინავი“  
ღიახაც ღირსი ქებისა.


მოუხსნეს მილი! გულასა  
„სიმძიმე“ დაედინება,  
ყანწსა ამსებენ, ხუხავენ,  
სულყველას მოეღონება.  
მოჭქუხს ნუნუა წითელი,  
ვით ნაკადული ანკარა,  
უხვდება ყანწი, გადადის,  
თავს არ ზოგავენ აღარა.  
ჯერ აღდეგრძელეს ბლერიო,  
როგორც საკუთარ ფრთოვანი,  
შემდგომ რაიტი, შემდგომად  
კი ცეპელინი მსცოვანი...  
მაჟული შვილურ ჰანგების  
გაისპის ქექა-გრიალი...  
და აი ნელ-ნელ გულამა  
აკი დაიწყო ტრიალი?!..  
ხეც დაბზრილდა, მიდამოც  
ბოძიც, მასზედან რუმბიცა,  
შეინძრა მთელი ქალაქი,  
აგვითამაშდნენ მთებიცა.  
თავბრუ დაესხა „მფრინავებს“  
დაეცენ უგრძობელათა,

ხედავენ: მათი „ხომალდი“  
მიჭქოლავს მინდორ-ველათა.  
ზღვას გადაუვლის, ღრუბლებში  
მიძვრება როგორც მახათა,  
ხან აეშვება მთვარემდე,  
აღარ სჩანს დასაჩახათა,  
ხან დაბლა დადის, ქალაქებს  
თავს დასტრიალებს ნაზათა  
მთელი სამყარო მათ ფეხქვეშ  
აგდა ფიანდაზათა.

თავს ევლებიან მამულის  
ბუმბერაზ მათათა წვერებსა,  
თოვლ-ყინულების ვარაყით  
აღმასებრ დანაფერებსა.  
აი მთაწმინდის ფერდობსაც  
ჩამოუჭროლეს ლაღათა,  
უნდათ დაეშვან ჩიტვიით  
ელემში, ვერის ბაღათა.  
ცნობის მოყვარე მნახველებს  
ვერ იტევს ქუჩა ველარა,  
ვინ გინდა: ქალი თუ კაცი,




ბავშვი თუ წვერებ ქალარა.  
 გაუნავარდეს მოხდენით  
 ვერაზე ზუბრთა სკოლასა,  
 ხალხი შეჭყურებს სიამით  
 მათ გალაღებულ ქროლასა.  
 დაეშვენ ედიმისაკენ,  
 მაგრამ შეემთხვენ ხათსა:  
 მოხვდა იმათი „ხომალდი“  
 ცნობილი ვერხვის კატარსა,  
 და გადაბრუნდა. დაეშვა  
 ძირს, როგორც ტყვიის ნაქერი  
 აღარა შერჩაო მფრინავებს  
 არც ვაჟკაცობა, არც ფერი.



თვალი გააღეს, ოჰ ღმერთო,  
 რასა გაეს ყოფა ამათი:  
 საბნათ თავს რუმბი ახურავთ,  
 ლებათ კი ფიცრის „კალათი.“  
 მოღუნებული ფეხები,  
 თავი უვარგი თავათა,  
 წელი მოშლილი, სამსგავსო  
 წელკავის განაკრავათა.  
 ჯერ კიდევ გონს ვერ მოსულნი  
 ტკბილ ოცნებებით ტკბებიან,  
 მაგრამ იკითხეთ ამბავი  
 ოდესაც დაფხიზლდებიან.

— კი.



თრი ეშმაკი.

(სტივენდის მასკებლნი).

შეარე. რა ქენი ბიჭო, ნუ თუ კიდევ ვერა-  
 ფეს გახლი?

შარველი. ჯერ ვერაფერს, მაგრამ იმედი კი  
 მაქვს. ყველგან მივცე თოვნები და წარმოიღვინე  
 ყველამ აღმოთქვა: თქვენზე უფრო ღირსი ჩვენ  
 არავინ გეგულდება.

შეარე. Не вѣрь, братъ! не вѣрь ასე და-  
 გაიმედებენ და გაიხედავ რომ სტივენდის შავი-  
 რათ ხელში ბოლოკის კული შეგჩება.

შარველი. აკი არც მე დავუჯერე და მინდა ახ-  
 ლა ნაცნობებს მოეპართო. შენ ალბათ გეგულდება  
 ვინემ ვარდენ ჯიბაძეს რა იცნობდეს?

შეარე. როგორ არა! მშვენიერ კანწყობილე-  
 ბაშია მასთან ივლიანე მხეცაძე.

შარველი. აჰააა! ეს კარგი და ჩინებული. მაშ  
 ივლიანე გამოდგება ვარდენტან მისაგზავნათ. საქმე  
 გაიწარხა... მაგრამ ივლიანეს ვინ იცნობს ნეტავი?!

შეარე. ივლიანეს ნაცნობი და უბრალო კი  
 არა, კარგი ნაცნობი უნდა იყოს ამირან ქინქლაძე.

შარველი. ეს რაღა ცხოველია?

შეარე. სახელი და გვარი ორივე გითხარი და  
 ხელობით ვაქარია, სასტუმრო აქვს.

შარველი. აჰააა! ვიცნობ, ვიცნობ. საუცხო-  
 ვი მოგონებაა, მაგრამ მას ვიღა მიკუვზავნო?

შეარე. ამირანს?

**ზარგელა.** ჰო ამირანს მე მას მხოლოდ შორიდან ვიცი და ახლოც რომ ვიცი ვიცი მინც სხვისი, უფრო საპატიო პირის მიგზავნა სჯობია.

**მეორე.** მოიცა... მოიცა... როგორც მაგონდება ამირანის ნათლიმამა უნდა იყოს ექიმი კოტე ხერხაძე, კბილებს რო ექიმობს ვორონცოვის ქუჩაზე.

**ზარგელა.** კოტე!.. საიდან მოგაგონდა კაცო! სწორეთ საკვირველი ხსოვნა გქონია. ის უფროდ არ დაიზარებს ნახოს ამირანი და მიაგზავნოს ივლიანესთან, რომ ამ უკანასკნელმა რამე ისაშვალოს ვარდენის წინაშე.

**მეორე.** მეც ასე მაგონია არ დაიზარებს.

**ზარგელა.** არ დაიზარებს არ დაიზარებს, მაგრამ კოტესთან ვილა მიგვავხავნო?

**მეორე.** აქ კი ჩაიხლართა ბიჭო, საქმე ვინ ოხერი იცნობს ამ კბილიგლეჯიას სულ აღარ მაგონდება!

**ზარგელა.** ვეჭილი თედორე ხრიკაძე ხომ არ ემეგობრება?

**მეორე.** ყოჩაღ! ბედი გწყალობს, როგორც ვატყობ. კოტესა და თედორეს სული სულში აქვთ. კარტს მუღამლამ ერთად თამაშობენ და ბაღებშიაც ერთად დადიან.

**ზარგელა.** კარგი და პატიოსანი, მაგრამ ახლა ხრიკაძის ნაცნობია აღარ გინდა?

**მეორე.** ეგ ადვილი საქმეა. თედორესთან სიამოვნებით მიგვეგზავნება ქალბატონი მელანია ქაჩალაძისა, დიდი მეგობრობა აქვთ და დიდ პატივსაც სცემენ ერთმანეთს.

**ზარგელა.** ოჰ, შენი გოგრის ქირიმე. როგორ კვალდაკვალ მიყვები საქმეს. ახლა მელანიას უნდა მიუზღიოთ ვინმე საპატიო პირი.

**მეორე.** მაგონია! აქ მე ველარაფერს გიშველი ვფიქრობ და ყველა გზები დახშული მეჩვენება.

**ზარგელა.** როგორ შეიძლება ერთი მისადგომი არსაიდან იყვეს! ან სიძე, ან მამიდა, ან დეიდა, ან ნათლი-დედა ან ნათლიმამა! არა, ეს შეუძლებელია!

**მეორე.** ევრიკა! ევრიკა!

**ზარგელა.** ჰო?

**მეორე.** ჰო და, მარამ ფეროვანიძე მის ძმას შვილებს უშვადებს, და აი ვის შეუძლია დაგვიხსნას ამ გასაჭირიდან.

**ზარგელა.** ახლა ისმინე ძმაო დალადი ჩემი: პეტრე კვინწარავა, ხარკოვის სტუდენტი და ჩემი დიდი მეგობარი, ვარაუდობს მარო ფეროვანიძეს.

**მეორე.** მაშ საქმე ქულშია! თუ ეხლაც სტუბენდია ვერ იშოვებ, მტკვარში გადავარდი და იგია. მთელი თფილისი შეიძვრის შენი გულსიათვის.

**ზარგელა.** ნამდვილი „რწყილი და ქიანქველა“ კი გამოდის: ჯოჯოხეთის მადლმა

კვინწარავა მაროსთან, მარო ქაჩალაძესთან.

ქაჩალაძე თედოსთან, თედო კი ხერხაძესთან.

ხერხაძე ამირანთან, ამირან მხეცაძესთან

ივლიანე მხეცაძე კი ვარდენ ჯიშაძესთან.

თუ გამოსასვლელია, მართლაც უნდა გამოვიდეს რამე.

**მეორე.** „რწყილი და ქიანქველა“ თუ გამოდის სხვა რაღა გინდა?

შ ა რ ა დ ა.

ედემის ყოფილ მდგმურთაგან გემახსოვრებათ მხეველი,

პირველ კაცის წილ გველთაგან კოდვების შემამთხვეველი.

გემახსოვრებათ აგრეთვე დიაცის სახელ-წოდება!

მოსწყვიტეთ ბოლო ანბანი (ამით ნუ შეგეცოდება.)

და რაც გადარჩეს, შარადას დაუღე საფუძველათა,

რომ გამოცნობის საგანი გამოიჩარხოს ხელათა.

მხოლოდ ამ მოკლე საძირკველს ნუ კი დატოვებთ მარტოსა:

მას ორი სახელ-წოდება კვლავ უნდა მიემატოს;

პირველი ამა ორთაგან წყალ-წყალა სითხე-წვენია,

(მაწონს რო დღეებენ კარაქად იმ ჟამად განადენია.)

მეორე სიტყვას, ქართული გვარების ბოლოდ ხმარობენ,

(თუმცაღა „კეთილ-შობილნი“ ამ კულებს აღარ ყვარობენ.)

აი გააუვდა კიდევაც, უკვე მზათაა კრებულნი:

ორი ნამდვილი სახელი, ერთიც კულ ჩამოკლებული.

შეჭკარით მწყობრათ სამივე, როგორც რიგი და წესია...

(ნუ აჩქარდებით, საქმეში სიღინჯე უკეთესია!)

მგონის ფსევდონიმს მიიღებთ,  
 (უკვე ნიქ-გადლეულსა...)  
 ვინც წაეტანა „სამყაროს“  
 შარმან იყო თუ წლეულსა.  
 ვის „ვეიწროვა პარტია“  
 ბახუსის ხშირსა წვეულსა,  
 საზამთრო-საგაზაფხულოთ \*)  
 ქამელეონებრ ცმეულსა...  
 ვინც ამ სოფლიურ სიმწარეს  
 გაექცა ერთობ მხდლათა,  
 და სად „ბუღობენ ქანქარნი“  
 მუნ შეძერა, მოიკალათა.

კოლო.

**მათრახი ბათუმისათვის**

მოხსენება კვინწარის მდინისაგან.

ვაუწყებ მთელ ეშმაკეთს, რომ ეს ორი თვეა, რაც კვინწარი ავით იშეოთება; ერთ-ერთ დაწესებულების რევიზიის დროს გაცნოდა და მას მერე არ იქნა და არა, —ვეღარ მოიკეთა. ამბობენ—მოწამლეული უქდა იოსო, მარა ეს თვით კვინწარსაც კი არა სჯერა. კვინწარისაგან სხვა და სხვა კუთხეში დაგზავნილ ზატარა ეშმაკუნებს იმდენი მასალები მოუკრებოდათ, რომ კვინწარის დიდი ზორტუელი ვერ იტყეს მათ. დღეს მიმიხმო მასთან ბ-ნმა კვინწარმა და მომანდო მისი ზორტუელის განხილვა. მეტ ვასრულეს მის მონადობილობას და ზორტუელიდან ამოდებულ რამდენიმე მასაღას ვაწვდი მის მადლ უეშმაკეულსობას. ამ მასალებს დამუშავება, განმარტება და სისტემაში მოყვანა ესაჭიროება, მარა შეჟერ ამჟებისათვის ფრიად გამოუცდელი ეშმაკი გახლავართ. ამისთვის ნუ დამძრახავთ, თუ მასალები იმ სახით მოგაწვდინოთ, როგორც იგინი კვინწარის ზორტუელში აღმოჩნდენ, ე. ი. დამუშავებულათ და განუმარტებულათ.

**1. ქალაქ ბათუმის შემოსავალ-გასავლის გამოსაკვლევი მასალა.**

ქალაქ ბათუმის თვითმართველობას ვაღადა აბეგს კაგალ კისერზე:

ა) სახელმწიფო შემოსავალი, ქალაქის კასში შეტანილი და „გადმომხმანისტეობული“... 30.000 ქანქარი.

ბ) ჟამაგირი მოსამსახურეთა ივლისის და აგვისტოს, ჟერ კიდევ მიუცემელი 100.000 ქანქარი.

გ) სეკრეტარისთვის ავანსათ მინანტეში ინვენტარის შესადგენათ 10.000 ქანქ.

\*) ერთობა რეპტიკაი იგულისხმება აქანა, რამაც დაამხო თავდალმა მგონის საწერი მაქანა.

ეშმაკი.

დ) სხვა და სხვა ხმოსათ სხვა და სხვა მოვალეობის შესრულებისათვის 30.000 ქანქ.

ე) გამკვების წვერის ბ-ნ ხსნავსკის, მისგან ვაღადა ადებელი მასუთის საიდალათ 20.000 ქანქ.

ვ) ქალაქის თავს მომავალ კომანდირეგებისათვის ქ. ზეტერბურგში 1/2 კაზ. საფუთო გადასახადის დასაწელებათ 100.000 ქანქ.

ზ) კიდევ სხვა და სხვა ვალები 310.000 ქანქ.

წ) ბოლქვადეს საავთმუთოფოში ავთმუთეებისათვის 100 კვერცხის, შესაძქათ 1 ქანქ.

თ) ერთი მუშის მისაცეში 2 კაზ.;

სულ გამოდის ჟამში 600.001 ქ. 2 კაზ.

შემოსავალი აქვს ქალიქს:

ა) მამულების შეფასებისგან 101 ქანქ. 2 კ.

ბ) სხვა და სხვა წყაროებიდან 000—00, სულ ჟამში შემოსავლის 101 ქ. 2 კ.

მაშასადამე წმინდა (და არა უწმინდური) დეივიტოტი გამოი სხება შემიღვე ზატარა დიფეტში... 599.900 ქ. განზრახულია აიღონ სესის 600.000 ქანქ.

მაშასადამე დარჩება ქალაქს სესხიდან 100 ქანქ.

ამ ასი ქანქარით უნდა გახორციელდეს, ანდა გასუიერდეს შემდეგი პროექტები:

**2) თვითმართველობის გამგეობის მიერ ბათუმისათვის შედგენილი პროექტები.**

ა) უნდა დაქსუსულ იქნას ბათუმის ქუჩები რკინის გზებით, რაზედაც უნდა იარონ ვაკანებმა, ე. ი. ექნეს ბათუმს ტრამვაი, ეს დაჟდება დიდი, დი...დი... 1000.000 ქანქარი.

ბ) უნდა გაკეთდეს გიდრაფიური სადგური 400.000 ქანქ.

გ) სურის ბასარში უნდა აკებულ იქნას დიდებული შენობა თეატრისათვის, ქვემო სართული ამ შენობის უნდა დაიყოს მდაზაებათ 500.000 ქანქ.

დ) უნდა გაკეთდეს ქალაქის ბულვარში კურხალი, რასაც დიდი ხნის ნატრობს ქალაქის თავი 60.000 ქანქ.

ე) მთელი ბულვარის ნახევარი უნდა დაეთმოს კლუბს და აიგოს კლუბად შენობა, დირებული რაღაც 50.000 ქანქ.

ზ) თუ გაუძღო ქალაქის დამხალმა შენობამ, მას უნდა დაეგვას ზედ შესამე სართული, რომელშიც უნდა მოათავსონ დამხარდი მისი გამკეთურთ, ამას დასჭირდება 30,000 ქანქარი.

წ) უნდა გაყვანილ იქნას არხი ესლანდელ ბუნტიდან, ამოთხრილ იქნას დიდი ორმო კერულ წოდებულ „კაბში“, ჩასხმულ იქნას არხის საშვალებით შიგ ზღვის წყალი და უნდა იქნეს ადგილი ესე ბუნტად ამას დასჭირდება 2,000,000 ქანქ.

სულ პროექტების განხორციელებას დასჭირდება 4.040.000 ქანქარი.

რისთვის უკვე მზად არის მომავალ სესხისათვის განაზრახნი 100 ქახარი...

3) პატარა ეშმაკუნების მიერ ნახული და გავონილი

დღეს ამ სტამბის წინ გავიბინე, სდაც უბატ. ნოვოსტი“ იბეჭდება. სტამბიდან დიდი სიცილ-ხარხარი მომოდ. შევხერდი და შევიხედე შიგ. ერთი ასოთ ამწეობი მშვენიერ შერალ-შერალ სიტყვებს ისრლდა უაქრატლადან. როგორც ჩანდა, სხვა ასოთ ამწეობებს ეს დიდათ ასიამაფებდა და აცინებდა. ერთ ასოთ ამწეობ ქალს სირცხვილისაგან ზირზე ხელი მიუთარებია, მარა მას უურადღებს არაფერს არ აქტევედა. სამწეხაროთ მათრასი თან არ შქანდა, თვარა მინდოდა მეტხუნებო; შერალ უარეუმი ასოთის ცხვირზე. თუმცა შემდეგან მოვესწრებო, თუ კვლავ იხებო ამურალებო.

პატარა ეშმაკი.

4) ქალაქის ავითმართველობაში შევიარბინე ადგილის სთხზავნილად. ეგველა კარებზე აერულია ქადალდი, რახელად აქვრია: „უგველა ადგილები დაჭერილია, ამიტომ ადგილის მთხაფელებს არ ვღებულობთ“. მასინ შევედი ქალაქის კაპიტობის წვერთან და ადგილი ვთხოვე. ამათვლიერ-ჩამათვლიერ და უარი მტკიცდა. ამასობაში ერთი ვიდაც შემავიდა და წვერს ვიდაცის სდაარბახო ბარათი გადასცა. კადაკითხა და უღვაშებზე ხელი გადაისვა. მე მომიბრუნდა და კვლავ გამიმორა: ადგილი არ გვაქვსო. გამთვბრუნდი, მარა ისევ შევხერდი კარებთან. ბარათის მომტანს უთხრა: „ისეთი კაცი მთხავს თქვენთვის ადგილ“, რომ უარს ვერ ვატევი. თან თქვენ, როგორც წვერს ქვერთვის სასურველი კაცი უთვლიხართ ხვალ მობრანდით და ადგილზე დაგნიშნავთ. ჭერ-ჭერობით ნო მათი გექნებათ თვეში, მარა მალე მოგიმტკებთ.“

მინდოდა შევბრუნებულიყვი და... მარა გადავიფიქრე. ან წინეთ რა ვერ მიხვდები რომ მე, „ამ ერთი მიმართულების“ კაცს, ადგილს იქ არაფერს მომცემდა!..

ეშმაკის მეგობარი.

ბ-ნი კვინწარი მთხავს, თქვენო მალაღ უეშმაკეულესობაზე, გაუწოთ შემდეგი: კვინწარი დიდათ ნაწეკი არის, რომ თქვენ ერთი ხეირიანი ეშმაკი არ გეოლდათ მოსხუნებობის წარმოსაღკენათ სოფ. სურებში. როგორც კვინწარისთვის გადამოუციათ, იქ იფრად ბლომად ბრძანებულან სამათრასინი, და შერე იცით რა ხელხათა მოარის? „სოციალისთა“ შირის... დაახ, ეს ასე უთვლიდა! კვინწარისთვის მოხსენებიათ, რომ იქ ზოგეერთი „სოციალისტინა“ ხვდა ჩარჩობთან ერთად სავრძინობელ ჩარჩობას ჩადან თურმე: უიღუფობენ გლეხებისაგან ჩადის ფასად თუთხის. აეთ აძლევენ მცირე რაშეს და შერე რა გავიდან, ფუთზე 4—5 მანეთს თითონ ჩაჭიბავენ და დანარჩენს გლეხებს მიუჯდებენ. სოფ. სურებს, როგორც გესმენია, ბლომად უავს ეშმაკნი და რათ ვერ

შედეს მათ შეკდგინათ ამხანაგობა და სოფლის საწარმოებნი ჩარჩობის ხელში არ ჩაეკლათ! ან და რათ არ კისრულობს ამ ამხანაგობის როლს იქ არსებული გოაშე-რატული ამხანაგობა?!. მარა, როგორც იტყვიან „მაგარი“ ის უთვლიდა, რომ ზოგეერთი ინტელიგენტინი თითონ უთვლიან ცხვირ ჩაფლული ჩარჩობის საქმეში. კვინწარი იჭვს ახსადებს—არ დამდადლებოდენ ასე სურების „სოციალისტინო“, მარა თან ისიც კი თქვა, რომ ამას წინათ სურების ჩარჩოთ აგენტი გამაცნესო; ამას ისიც დაუმტა, რომ კიდევ ამას წინათ სურებიდან ნაჩარჩ თუთუნის გასასაღებლათ ჩამოსული ინტელიგენტი დაადგანღვადებდა კუდს ბათუმის ქუჩებშიო. უოველ შემთხვევაში, კვინწარის ახრით, ეს საქმე დირსია უურადღებისა და კარგი იქნება აუ რომელიმე ეშმაკს გავზავნიოთ სურების სარევიზიოთ. თუ ამას მისი მალაღ უეშმაკეულესობა ვერ იქმს, მასინ კვინწარი მზათ არის გავზავნოს ერთ ერთი თავისი ეშმაკუნა სოფ. სურებში. სანამ ეს მოხდებოდეს; მანამ ბ-ნი კვინწარმა ლოგინიდან ერთი ლექსი წამომიკარნახა სურებელ ჩარჩობის შესახებ და გთხავს დაბეჭდოთ. აი ეს ლექსიც:

ერთი ამბაკი გავიკე,  
თუმც ვერ არ დამიჭერიო,  
ამბობენ: „სოფელ სურებსო  
ჩარჩები გამოსჩენია;  
„სოციალისტინა“ ამდგარან,  
წინეთ რომ იყვენ „ჩვენია“,  
და ჩარჩობისთვის მათ მადან  
ხელები წაუწვდენია“...  
თუ ეს ასეა—ეს სწორედ  
არ არის მთხათმენია...  
კვი სირცხვილო, გვითხარი—  
სად არს სიწითლე შენია!..

დავშთები საეშმაკეთის ერთჯული ეშმაკი კვიწარის მდივანი.

დეპეშები.

შენიშნა. ცნობილმა ბურცვემა აღმოაჩინა სამას სამოკლამებუთე პროვოკატორი. მალე გამოაკვეყნებს მათ შესახებ სენსაციურ ცნობებს. ამბობენ, ამივე მოღვაწემ მიაგრო კიდევ ას ორმოცდაათი პროვოკატორის კვალსო.

სტოპოლში. საერთო გაფიცვა კვლიდ გრძელდება. მუშებს ჩინებულათ მიჰყავთ თავისი საქმე. წესიერება არსად დარღვეული.

სტოპოლში. („ივერიის“ სააგენტო) გაფიცვა გათავდა. მუშების მუქარამ ვერ მოახრევეინა ქელი შეკავშირებულ მრეწველთა საზოგადოებას. მუშები ხშირათ ახდენენ უწყისობას, მაგრამ ამათ: მათ საქმეს გამარჯვება არ უწერია.

**ბარცელონა.** ელიან დეპუტაციის ქეშმარიტ რუსთა კავშირიდან: რომელიც რეაქციის გამარჯვების გამო პანაშვიდს გადაიხდის ადგილობრივ ეკლესიაში.

**მელილა.** ისპანიის ლაშქარი დაჟინებით მოითხოვს მთავრობისაგან, წინამძღვრათ რომელიმე მანჯურიაში გამოცდილი რუსის გენერალი დავგინიშნეთო. ამბობენ, ეს გერმანიის ინტრიგააო.

**თეირანი.** ყოფილი შახი იმ დრომდე არ აპირობს სპარსეთიდან გასვლას, ვიდრე სპარსეთში ჰაეროპლანების ხმარებას არ შემოიღებენ და მასაც ჰაერში არ ააფრენენ.

**ხილისთავი.** 16 ამა თვეს, კვირას საღამოს ექვს საათზედ სიო ბერიძის ხალში გაიმართა სეირნობა, რასაც დიდძალი ხალხი დაესწრო. ბაქარას კარგი შემოსავალი დარჩა.

წერილი ევრილიელი ნინასი სურამელ მამოსხადში.

Дорогая Машо!

შენ ვერ წარმოიდგენ, რა მოწყენილობაა ამ დასაქცევ ყვირილაში. უწინდელი არც არსებობდა არც სიმხიარულე. სტუდენტები წრეულს სულ დაღვრემილი დაბრუნდენ. ზოგმა ცოლი შეირთო, ზოგიც ქალებს გაურბის და დავრჩით ამ ზაფხულს უკავალროთ. ზურაბი რო არა გვეყავდეს შენი მტერია თავი გვექნებოდა დასახრჩობი. მოჰყვება ხოლმე ხანდახან ქორებს თავისებურათ და ცოტათი მაინც გვიყოლიებს. ვერ წარმოიდგენ რა თავაზიანია. სულ უნდა რომ გასიამოვნოს. ცხვირსახოცი, რომ ერთ საღამოს ათასჯერ გაგივარდეს, ათასჯერ სწრაფლათ აიღებს და მოგაწოდებს. ვენაცვალე იმას, არა გაეს სხვა ჩითირია სტუდენტებს, ცხვირის მოწმენდაც რომ ხეირიანათ არ იციან. ამასთან კიდევ წრეულს ათავებს და აპა შენ იცი, შენზე ძალიან უჭირავს თვალი.

მაშოჯან, თუ გახსოვს ლოლადე, ძველი ლოველსი, აქაურ სადგურის უფროსის თანაშემწე, ფოთში გადაიყვანეს. გამოსათხოვარ ვახშამზე ძალიან ბევრი ხალხი დაესწრო. ამბობენ მეორე დღეს სამადლობელი პარაკლისი გადაიხადეს, ასე ბედნიერათ თავიდან მოშორების გამოო.

თუ გაგეგონება, გენაცვალე, აქ წერა-კითხვის საზოგადოების განყოფილება გაგვიხსნეს. ამას რასაკვირველია დიდი მითქვა-მოთქვა მოჰყვა. გამგეობის წევრებათ აირჩიეს ვიღაც ვაჭრები და მათ კანდიდატებათ კი სულ ჩინოვნიკები. ეს ჩინოვნიკებმა იტყვილიც და ესლა ამბობენ გაბუტულები არიანო.

ნო. მე მთხოვეს წევრათ ჩაეწერალიყავი და რო გავიგე მ მანეთი სჭირდებოდა თავი დავენებე.

დღეს დიდი ქიდაობა იყო გამართული აქაურ ბალში. ხალხი ძალიან ბლომათ დაესწრო. მე თითქმის ყველაზე ადრე მივედი, რაღვან ხომ იცი ძალიან მიყვარს ქიდაობა. უკაცრავათ ქიდაობა კი არა, ქიდაობის ყურება. მაგრამ მოლოდინი არ გამიმართლდა. არც ერთ მოქიდავეს ადამიანის სახე არ ქონდა. არ ვიცი ღმერთმანი საუ მოძებნეს ასეთი ჯოჯოებები. არც პლასტიკა, არც გრაცია, არც ფერადი ლამაზი ტრიკოები. ფართე ქართლურ შავრლებში დაგორაუენ მიწაზე. ვიცი გეწყინება მარა ჩვენმა იმერელმა დასცა თქვენი ქართლელი და სიხარულით ისე დაეზენი, რომ გადავტე შიგ და სამჯერ ვაკოცე. შემდეგ ბევრი ვაფურთხე, ვიწმინდე ტუჩები მაგრამ რაღა დროს.

მართლა სულ მავიწყდებოდა! მაშო შენ გენაცვალე, რომ მასახლე და სურამის ქალიშვილებს პირში ჩალა გამოავლე. თურმე სილამაზის პრიზი სურამში შენ აგილია. მე წარმოდგენილი მაქვს, როგორ აგიყვანეს სურამის ციხეზე... უუ, ციხეზე კი არა სცენაზე და ხალხის წინ საჩვენებლათ დაგატრიალეს. ჰო რა მშვენიერი იქნებოდი მაშინ. კალის ვსთხოვე აქაურ კლუბშიდაც გამართოს სილამაზის კონკურსი, მაგრამ კლუბი თურმე ენკენისთვიდან საზაფხულო შენობაში გადააქეთ და ექლა არა სცალიანთ, მაინც შემდეგისთვის დამამიდედეს. მანამდი თუ სხვა არავინ ჩამოვიდა. პრიზს უსათუოთ მე ავიღებ.

სხვა რა მოგწერო. მალე ყვირილა დაცარიელდება და მეც ქუთაისისკენ ვაპირებ გადახიხნებას.

წრეულს, ამბობენ, სათეატრო სეზონი საინტერესო იქნებაო. ვნახოთ, ხო, მართლა მაშოს ვენაცვალე სულ მავიწყდებოდა. თუ ყვირილისაკენ დააპირო წამოსვლა, შორაპნის პორომზე გამოდი თორემ ხიდი აღარა გვაქვს. Как много должно быть говорит твоему сердцу мост. Неправда? сколько приятных вечеров мы проводили на этом мосту. გავიგე თხოვდები; ღმერთმა გავაბედინებოს! მე კი როგორც ვატყობ კიდევ მოვიცი ცოტა ხანს. სასაგელმა კოწიამ ხმა დამიგდო, ვითომ 30 წლისა ვიყა. Ахъ онъ противный! ეს სულ იმიტომ, რომ აღარ ვერაშიყები. სხვა რაღა მოგწერო; ხვალ საცეკვაო საღამოზე ვაპირებ წასვლას. Буду танцевать до упаду. ნახვამდის. Цѣлуетъ крѣпко тебя твоя Няночка.

შემთხვევით ხელში ჩაუვარდა „კო-კო“ს.



# ნაჩილუბი ეშმაკისადმი

## მოხსენება სამტრედიიდან.

როგორც წინა მოხსენებაში აღუთქვი თქვენს უეშმაკეულესობას, ილორის სკოლის რევიზიის შემდეგ მარნის საზოგადოებისაკენ გავემგზავრე. მდ. ცხენის წყლის ხილს რომ მიუახლოვდი ორ მიმავალ მგზავრს დავეწიე. ერთ მათგანს ყელს უმშვენიერბდა მშვენიერი ჯაჭვი; ეს გახლდათ ცნობის მამასახლისი ერისტო იღბალაძე და სოფლის სასამართლოს „გამოჩენილი“ მწერალი ესტატე ჯორიძე. რადგან საფრთხე მომელოდა უეცრათ მივიღე უჩინარი სახე, და მათ ლაპარაკს შორი-ახლო მიმავალი ყურს ვუვლდებდი.

— არა, ეგ საქმეც მშვიდობიანათ ჩავატარეთ მგონი. ის ხუთი თუმანიც ისე ტკიბლათ შეგვეგროო, როგორც მრავალი სხვა, სტკეა მამასახლისმა.

— მაგას რომელზე ლაპარაკობ? ჰკითხა ესტატემ.

— აი იმ ქვრივზე მის სიძეს, რომ განთავისუფლებას შეეპირდით.

— ა... ა... ა... ვიცი, ვიცი პარასკევს რო მოვიდა და ნახევარი ფული მაინც დამიბრუნეთ, რადგან ჩემი სიძე წაიყვანესო რო თქვა არა?

— დიახ, დიახ, ისაა.

— არა, სულელი კია ეგ ხალხი მე და ჩემმა ღმერთმა! რა ჩვენი საქმეა თუ წაიყვანეს? ერთი თხოვნა ხომ მე დაუწერე; შენ კი ქვრივობის მოწმობა მიეცი, ეხლა ხომ ვერ ვადავყვებოდით თან? ცოტა ხნით სიჩუმე ჩამოვარდა.

— შარშან კია 300 მან. ავაკარიო; იუ წე-ლისაც იქნა რამე ხომ კარგი...

— იქნება და მეტი არა!... მე ივანე უბედურძეს შეგპირდი შვილის განთავისუფლებას და ასიანს იძლევა, ხვალ მოვა და ფულიც უნდა მოიტანოს. შენ შენებურათ ცოტა ქე უნდა ჩააქხარაკო საქმე; დაბრუნდება კარგი, არა და, ფული აღებულ ი გვექნება და მერმე ქვას ახალოს თავი. ასი მა-

ნეთის ხსენებამ მამასახლისს სიამოვნების ნერწყვი მოგვარა.

— ეგ სოფელი ყრუა და სანამ დრო გვაქვს უნდა მოვიხმაროთ, ეხლა ჩვენ ვართ, მერმე სხვები იქნებიან.

— „ვის შერჩენია სოფელი, მა...ლი და ოხერიო“ — დაურთო ესტატემ თავის მხრივ.

— იცი ერისტო, ვილაკას ჩვენზე „დანოსი“ მიუცია მაზრის უფროსისათვის. სასაუბროებს დაბრუნებას პირდებიან და ფულებს აძრობენ, ხალხს ფულის გაწერის დროს ზედ-ვეტს ახთვეინებენ და თითონ ფლანგავენო; ჩემზე კი შემდეგია თურმე ნათქვამი: ესტატე სენაკის მაზრის უფროსის რეზანოვის მიერ „ცირკულიარით“ დათხოვნილია სამსახურიდან სისტემატიურ მექრთაქობისთვისო, მაგრამ იცოცხლე ბარე ორი შევგზავნე ვირის აბანოში ასეთ „კლიაუნეიკობისათვის.“

ამ ლაპარაკის დროს მწარე ფიქრები შავ ყო-რანივით დამტრიალებდა თავს: სად არის ეხლა დიდებული ევანატე ნინოვილი, რომ თავის თვალით ნახოს მისი მოთხოვობის გმირი „მოსე მწერალი“ დურმიშხანობასაც არ თავილოებს შეუქი.

— ხვალ დილით მიხელა ომიანიძე მოვა და ხუთ მანეთს ვადმოგცემს, დაიწყო მამასახლისმა.

— «პრიგოვორისთვის» არა?

— ხო, და თან უთხარი: თუ კარგი „პრიგოვორი“ უნდა, შენ დასაწერი კიდე ხუთი მოსთხოვე. აქ კი მეტი ველარ მოვითმინე და ვიძრე ჩემი, თქვენ-მიერ ბოძებული, მათრახი, თქვენო უეშმაკეულე-სობავ და ტარიელის სიმძლავრით გადავცხე. სა-შინელი თავზარი დასცა ამ მოულოდნელმა აშბავმა, მაგრამ ჩქარა გონს მოვიდენ.

— ვინა ხარ შე ბრიყვო, ვის უბედავ, ეხლავე დაგიქერ დასახრბოებლავე აგზავნი! დასქყვილა მან, ალია! ოსმან! ოსმან! მაგრამ იქ არავინ ახლდათ.

— უი დასწყევლოს ღმერთმა! ერისტო, ეგ პრიგინციელი ეშმაკია, თავს ვუშველოთ. ეშმაკის ხსენებამ სულ დავთარი აუბნია მამასახლისის და თავ ქულ მოგლეჯილნი სასამართლოსაკენ გაექანენ. მე კი აუჩქარებელის ნაბიჯით პლათმორმისაკენ წავე-დი. აქ მთელი ყლინწისტა ჯგუფი დამიხვდა.

დაედგათ მაგიდა, ზედ რამოდენიმე ბოთლი წითელი ნუნუა, კარტ-ნარდი და ორონტრიალი ჰქონდათ. განსაკუთრებულ ყურადღებას იქცევდა ერთი კაკარლოსანი ახალგაზდა. გამოვკითხე მიკიტანს თუ ვინ იყო ეგ ყმაწვილი და ჩემდა სასიამოვნოთ ცნობილი მღვდლის ქვანისა ძმა გამოდგა. როგორც გავიგე ამ ყლინწისთა ჯგუფს განუზრახავს წიგთ საცავ სამკითხველოს გახსნა. წვერებათ ყველა „პატენტოვან“ მოქიფეთ შეუძლიანთ ჩაეწერონ. ამ ჯგუფისავე ინიციატორობით აღგილობრივე მიკიტნებს შეამდგომლობა აღუძრავთ სადაც ჯერ არს წელიწადში ფერისცვალება სამჯერ იდღესასწაულონ, რადგან შემზადებული ღვინოები გაუსაღებელი დარჩენიათ. ამის მიზეზით იმას ასაეღლებენ, რომ 12 არღნის ნაკვალთ მხოლოთ 9 მოსულა. დანარჩენ 3 წინააღმდეგ საჩივარია აღძრული, რომელსაც დიაკვს მღ. ქვანია. გავიგე რა აქაური მღვდმარეობა 2 კლასიან სასწავლებლისკენ გვეჩქარე. გზაზე ეკლესიას ჩაუარე; ვალავანში ორ მდღავითნე ნემსაძებებს ზეცისკენ აღუპყრათ ხელები და თვალცრემლიანი შესთხოვედნ უზანაეს სულიერ მამის მელიტონის უდაბნოდან ჩქარა დაბრუნებას... მიველ სასწავლებლის ეზოსთან თუ არა წინ მომეგება ჩინ ორცენებით შეღესილი სასწავლებლის ზედამხედველი კოსტა, რომელმაც მოკრძალებით მითხრა: „ფრიად მოხარული ვარ თქვენის მობრძანებით ბ. პროვინციელო ეშმაკო. იმედო მაქვს ჩემის სკოლის რევიზიით სრულიათ კმაყოფილი დარჩებით. მით უფრო, რომ ჯერ კიდევ აქ არის მასწავლებლათ ანდრო ქვანია, რომელიც ზედმიწევნით მკოდნა თავის თანამდებობის ჩემი სიტყვების სინამდვილეში, რომ ექვი არ შეგეპაროთ და სამტკიცებლათ წარმოგიდნეთ „ჟურნალს“, რომელშიდაც ბ. ინსპექტორის „ლესტინ ოტზივია.“ ავიღე ეგ „ჟურნალი“ და თქვენმა მონა მორჩილმა შემდეგი ამოვიკითხე: „Учитель Андрей Жвания мало подготовленъ къ учительской должности.“ მთხოვა ზედამხედველმა მეშვამდგომლა თქვენს წინაშე ამ წელში დასტოვონ ის და არ გადაიყვანონ პეტერბურგში, სადაც ის მიწვეულია პროფესორათ აღმოსავლეთ ენების ფაკულტეტზე. წარმოუდგენ ჩემს რევიზიის შედეგს თქვენს უეშაკეულესობას და ველი თქვენ განკარგულებას.

**პროვინციელი ეშმაკი.**

**ს. კულაში.** ძმაო ეშმაკო! რომ იცოდე რა სანახავი არიან ბ. ბ. კიპაბიძე და ს. ნიკურაძე, თუ რამე უთხარი მაშინვე დედის გინებას დაგიწყებენ და გეტყვიან: „ჩვენ ნაფიცო კაცები ვართ არაფრის დამალვა არ შეგვიძლია.“ და ხალხს უქაღიან: „ენა გააჩერეთ თორემ შავს დღეს დაგაყენებთო, სუყველას ციხეში გაკრეცინებთ თავსო.“ აქ კიდევ ხალხმა ახალი მოდა შემოიღო: ტირილის დროს „ქორწილობენ“ და ქორწილის დროს „ტირან.“ თუ არ მოგვეშველე თქვენი მათრახით ხალხი გაიხრწნა.

**ს. კულაშელი.**

**ს. საჭილაო.** აგერ სამოცი დღე გავიდა რაც მამა ქვანია გაქრა სამშობლოს ჰორიზონტიდან. როგორც გამოირკვა თურმე, ის მონასტერში ყოფილა ცოდვების მოსანანებლათ. ამას წინათ სოლომონს წერილი მოუვიდა, ეშმაკია შემაკდინა და მამაკითვე? სოლომონმა, როგორც მლოცველმა სამონასტრო ორმოც და ათი ქანქარი მოსთხოვა. ქვანია დიდი გახარებული ჩამოვიდა, და სოლომონის სადღეგრძელოთ სამი ბოთლი ნუნუაც კი გადაკრა ჩიგოგიძის სამიკიტონში და კიდევ სწირა.

კიკუ.

**თელავი.** კარგი ყოფილა თელავში „კახური“-ს ყლაპვა. ღმერთი გამიწყრა და მეც შევეჩვიე. ნომის პატარა ოთახში მთელი დღე მთვრალი ვეგდე. გამოვედი ერთ დილას და დავინახე აყრიან დანგრეული სახლის ღორღს ქუჩებზე. „გზებს ვასწორებთ, „გალავამ“ გვიბრძანაო“. რასაკვირველია იაფათ გადარჩებიან! კინალამ ღმერთი გამიწყრა და ცუდათ არ მოიხსენიე „გალავა“. (თურმე ვინც „გალავას“ ცუდათ იხსენიებს და გაზეთებში სწერა ამს ნეკნებს უზელავენ და სიკვდილითაც ემუქრებიან). მარიამობისთვის დღეს წავეღ აწყურში. იქ დიდი დღეობა იყო. ვნახე პრისტავები, სტრანეიკები, ღენერლები და ბევრი ჩინოსნები. გავიფიქრე: „ქე არ ვნახე განათლებული ქვეყანა თქვა?“ შევეღ ეკლესიის გალავანში, მარა თქვენს მტერს რაც იქ შემმა თვალმა ნახა. ფეხშიშველა დღეაკაცები სულ თერთებში გახვეულნი უფლიდენ ეკლესიას და თან მღეროდნ. ერთ დედაკაცს კისერზე ჩამოეკიდა ხუთ ფუთამდის ჯაჭვი და ჩოქვით უვლიდა ეკლესიას. ზოგი ხტოდა, ზოგი, ცეკვავდა, ზოგი ტიროდა, ზოგი იცინოდა. გამიკვირდა. ჩამოვედი თელავში. მოვიწადინე გამეგო თუ რა ყოფაში იყო მთავრობის გიმნაზია. მითხრეს „გარეშე პირების დასწრება კრებაზე არ შეიძლებაო“. ისე კი „სეკრეტნათ“ ვადმომცეს: „თელავი საკუთრათ თითონ-არსებს გიმნაზიას, თავად-ახნაურობა ცალკე, კომიტეტი ცალკე, ინტელიგენტა წრე ცალკე და კიდევ სხვებიო“. ამრიგათ თელაველებს ენკენისთვეში ათი გიმნაზია ექნებათ. (პროგრესიც ამასა ჰქვიან!) მეორე დღეს დილიეანსით წავედი ველის ციხეში. ყველას უნდოდა მამასახლისთან დამდგარიყო, რადგანაც მსუქან მამლაყინწებს სულ მამასახლისისთვის ასუქებენ. ჩავედი სიღნაღში. გამისკდა გული. თავი „კორტოსზე“ მეგონა. ნელის ნაბიჯით (რადგანაც მეშინოდა აქ სადმე უფსკრულში არ ჩავარდნე მეთქი) წავედი ქალაქის დასათვალიერებლათ. კითხვა კითხვით მივაგენ სამოქალაქო ბაღს. მარა აქ ხალხის მავივრათ ვირები დასეირნობენ. შევედი კლუბში. მითხრეს: რემონტს უშვებებიანო. რემონტი იმაში გამოიხატებოდა, რომ საძირკველს უთხრიდნ. გამიკვირდა. მუშებმა მიპასუხეს: „შნოიან ალაგს უნდა გადავიტანოთო. ამივარდა სიცილი გამიკვირდა უცნაური ამბავი. ჩვენს ელიბოს უნდა მოვიკიდოთ და ის გადაიტანსო“. გამიკვირდა და

ვკია ხე ელიბოს ვინაობა. „ეს ის ელიბოა, რომელ-  
მაც ლეკის ჯარი ჰნტის ზარბაზნით მოიკერაო“.  
გამეცინა. ღმერთმა მეტი მოთმინება მისცეს! ჯერ  
ჯერობით ეს იყოს „ელიბოს“ სატახტო ქალაქ სი-  
ღნაღზე.

დ. შებ—ლი.

**წერილები რედაქციის მიმართ.**

ბ-ნო რედაქტორო! გთხოვთ თქვენი ჟურნალის მახლო-  
ბელ ნომერში ადგილი დაუთმოთ შემდეგს: ჩემ მიერ მოთავე-  
სებულმა წერილმა „მათრახ-სალამურის“ მეხუთე ნომერში  
ახმაურა ზოგიერთი ვაჭარბატონები და წერილის წერილზე  
გზავნიან: არ შეკუთვნოდა მათრახი და უბრალოთ რათ მიწ-  
ყვიდინებთო. ჯერ იყო და ამბაკო მალულარიამ მოითხოვა  
სიმართლის აღდგენა და სამედიატორო სასამართლოს ამოე-  
ფარა, ხოლო როდესაც მედიატორე დაუსახელე სამაგიერო  
ჰასუხი არ ისმის. ახლა «მათრახ-სალამურის» მეათე ნომერ-  
ში მედიტონ დოლიძე გამოიჯგინა და მეუბნება «სანამ კარ-  
გათ არ გაიგებთ საქმის ნამდვილ შინაარსს არ უნდა დასწე-  
როთ და შეცდომაში არ უნდა შეიყვანოთ როგორც რედაქ-  
ცია ისე საზოგადოებამ» გმადლობთ სწავლებისათვის, მაგრამ  
უნდა მოგახსენოთ რომ მე ისეთი ჯურის მხვე აღმანიებს არ  
ვეკუთვნი, რომლებიც ბრუნდ და მართალს ერთნაირად უმა-  
სპინძლდებიან, და თუ ვინმეს მისი უგვანო საქციელისათვის  
მათრახის წვერით უმასპინძლები, დიდი დავებრების და გა-  
მოკვლევის შემდეგ, და თუ თქვენ მათრახით ვაგვიმასპინძლ-  
დით ალბათ იმიტომ რომ ამის საბუთიც მეკენება. ექვი მე-  
პარება იმაში რომ ვინმე თქვენზე, ვინც კი იცის თქვენი ამ  
უკანასკნელი დროის მოღვაწეობა, რაიმე კარგს იტყოდეს,  
მაგრამ ნათქვამია „მტყუანს კარამდე მიყვით“ და თუ რაი-  
მე სიმართლე გაქვთ რაც ჩემთვის მერწმუნე სასიამოვნო იქ-  
ნება, დეე გამოდით სამედიატორო სამართალში რომლებიც  
გამოარკვევენ ჩვენ შორის მტყუან მართალს.

კასიო.

ბ-ნო რედაქტორო! უმორჩილესად გთხოვთ დაამოწმოთ  
ქაგინდან თქვენს ჟურნალში მოთავსებულა კორესპონდენცია,  
რომელიც ეხება საშოსის და მის შვილს, შენგელიებს; მე არ  
მეკუთვნის!).

ს. ხეჩია.

\*)რედაქცია ამოწმებს, რომ ზემოხსენებული წერილის  
ავტორი ს. ხეჩია არ არის.

რედაქცია.

ბ-ნო რედაქტორო! უმორჩილესად გთხოვთ გამოაცხა-  
დოთ, რომ «მათრახი და სალამურის» მე-7 ნომერში დაბეჭ-  
დილი აბაშიდან გამოგზავნილი დეკლამაცია სამეგრელოს ერთ-ერთ  
ბოქაულის შესახებ მე არ მეკუთვნის და მით ამაცილო ზო-  
გიერთთა უსაქმო პირთა კორიკანობასა.

ვ. ქობულთა.

მათრახის რედაქცია აღნიშნავს, რომ ვ. ქობულთას აღ-  
ნუნულ დეკლამაციას არავითარი კავშირი არა აქვს. აგრეთვე  
აღნიშნავს, რომ თუ ეშმაკის უურამდე შიადწია იმ კორიკანა  
გეომთა ვინაობამ იმედია ჯეროვანის პატივცემულობით დაუ-  
ხვებება. ამასთანავე გაცნობებთ ბ-ნო ქობულთა, რომ თუ  
თქვენ ყველა კორიკანების საპასუხოდ წერილები გვიგზავნით,

ეს ჯერ ერთი უხერხული იქნება რედაქციისათვის რომელმაც  
შეიძლება უარი გითხრას ამგვარების ბეჭდვაზე და ესეც არ  
იყოს მაშინ მართლა ეგონებით აბაშელი ცნობების ავ-  
ტორი.

მათრახის რედ.

უმორჩილესად გთხოვთ თქვენს პატივცემულ ჟურნალის  
უმახლობელ №-ში ადგილი მისცეთ ამ ჩემს საპასუხოდ წერილს:  
„მათრახის და სალამურის“ № 10 სამედიატორო სამართალ-  
ში მიწვევს მასწავლებელი ირაკლი ჩიგოგიძე ჩემი წერილის  
გამო. დიდის სიამოვნებით ბ. ირაკლი! ჩემის მხრივ მედი-  
ატორებთან ვასახელებ გიორგი ივ. დუნდუას და იუსტინე  
ხონელიძეს. განაჩენი უნდა იქნას გამოცხადებული ერთ-ერთ  
ქართულ გაზეთში.\*)

პროვინციელი ეშმაკი.

\*) ამ წერილის დაბეჭდვა ჩემგან დამოუკიდებელ მიზე-  
ზების გამო დაგვიანდა.

პროვ. ეშმაკი.

რადგანაც თელავიდან გამოგზავნილმა წერილებმა ბე-  
ერი დავიდარაბა გამოიწვია (რომელიც გამოიხატა იმაში,  
რომ ბეგრმა მე დამიწყო ლანძღვა ვინება და მუქარა) და იმ  
წერილების დამწერათ მასხელებენ მე, უმორჩილესად გთხოვთ  
თქვენ ჟურნალის საშუალებით გამოაცხადოთ, რომ ის წე-  
რილები მე არ მომიწვია.)\*

დ. ბურტუაძე

\*) წერილები გამოგზავნილი ქ. თელავიდან ამ პირს  
არ ეკუთვნის.

რედაქცია.

**მათრახის ფოსტა.**

ხონი. კუჭქუსი. თქვენი ლექსი „ხონელი კო-  
რიკანები“ მართლა კორიკანობა უნდა იყოს:

„ერთი ალთას მიიწვეა

და შეორე ბალთასაო,

ქეიმები და ხუტები

ევედა თქირთბე მათმთასაო“.

სამწუხაროა რო ყველა თქვენსავით არ ფი-  
ქრობს, მაგრამ რა გავწყობა.

ფოთი. „მე ვას“ ჩვენ გულდასმიო განვიხი-  
ხილეთ თქვენი ნაწარმოები და შიგ იმდენი სისუ-  
ლელე აღმოჩნდა, რომ ნათლად დავრწმუნდით ავ-  
ტორი უთუოდ თქვენ უნდა იყოთ..

სურამი. დამაჯულს. მივიღე თქვენი პოემა  
„სურამის ციხე“; დაინიშნა სასტიკი გამოძიება,  
მაგრამ აზრი მაინც ვერ აღმოვაჩინეთ. თქვენი  
ფსევდონიმი არ იყოს, ალბათ აზრებიც სადმე  
ციხის კუნტულში დამალულან.

სენჯი. ქურდის მტერს. თქვენი ფსევდონიმი  
ძლიერ სასიამოვნოთ დავგრჩა, მაგრამ სამწუხაროდ  
თქვენი ლექსის თითქმის ორი მესამედი აკაკის ერთ-  
ერთ პოემიდან მოპარული აღმოჩნდა.

სიღნაღი. აქაურს თუმცა თქვენი წერილი არ  
დაიბეჭდება, მაგრამ მაინც სასიამოვნოთ დავგრჩა  
სიღნაღში წერა-კითხვის მცოდნე კაცის აღმოჩენა